


裨海七




小名錄上下
換言

漢書門類	三一五七	四	三	一〇〇
類	號	函	架	冊

漢書	三一五七	一〇〇	三七〇
類	號	冊	函

內閣文庫	
番號	漢 3157
冊數	100(7)
函號	370 44



撫言

唐

王保定著

明會稽商濬校

宋徽以前俊秀二科猶與進士竝列咸亨之後凡由

文學一舉于有司者競集于進士矣由是趙係等

刪去俊秀故目之曰進士登科記


唐太宗私幸端門見新進士綴行而出喜曰天下英

雄入吾彀中矣

李肇國史補曰進士為時所尚久矣由此而出者終

身為文人其都會謂之本場通稱謂之秀木投刺


撫言



唐

王保定著

明會稽商濬校



永徽以前俊秀二科猶與進士竝列咸亨之後凡由

文學一舉于有司者競集于進士矣由是趙儵等

刪去俊秀故目之曰進士登科記

唐太宗私幸端門見新進士綴行而出喜曰天下英

雄入吾彀中矣

李肇國史補曰進士為時所尚久矣由此而出者終

身為文人其都會謂之本場通稱謂之秀才投刺

撫言

謂之鄉貢、得第謂之前進士、互相推敬謂之先輩、俱捷謂之同年、有司謂之座主、京兆府考而升者謂之等第、外府不試而貢者謂之拔解、將試相保謂之合保、群居而賦謂之私試、造請權要謂之關節、激揚聲價謂之還往、既捷列名於慈恩寺塔謂之題名、大燕於曲江謂之曲江會、籍而入選謂之春闈、不捷而醉飽謂之打盹、匿名造謗謂之無名子、退而肄業謂之過夏、執業以往謂之夏課、挾藏入試謂之書策。

進士科始於隋、大業中盛於正觀、縉紳雖位極人臣、不由進士者終不爲美、歲貢常八九百人、謂之白衣公卿、又曰一品白衫、其艱難謂之三十老明經、五十少進士、時有詩云、太宗皇帝真長策、賺得英雄盡白頭。

隋制西監龍朔中置東監、開元以前進士不由兩監者爲耻。

俊秀等科初以考功主之、開元中員外李昂性剛急、集貢士曰、文之美惡悉知之矣、如有請託當首黜。

之既而昂外舅與李權相善舉權於昂昂怒召權
庭數之又斥權章句之疵以辱之權拱而前曰鄙
文不臧既聞命矣執事昔有詩云耳臨清渭洗心
向白雲閑唐堯衰老厭倦天下將禪於許由由惡
聞其言故洗耳今天子春秋鼎盛不揖遜於足下
而洗耳何哉昂皇駭訴於執政謂權風狂不遜遂
下吏後有請囑無不從者朝廷以郎官權輕自是
改用禮部侍郎

神州解送自天寶開元之際率以上十人謂之等第

必求名實相副者小宗伯選之或至渾化不然十
得七八苟異於是則牒貢院請落由故有神州等
第錄以記得人之盛

自樂天守杭江東進士多奔杭取解時張祐徐凝俱
至祐曰僕爲解元宜矣凝曰君有何佳句祐曰甘
露寺詩有日月光先到山河勢盡來金山寺有樹
影中流見鍾聲兩岸聞凝曰善則善矣奈無野人
句云千古長如白練飛一條界破青山色祐愕然
凝果獲選

盧肇開成中就江西解末肇送啟謝曰巨鼈負鼎首冠蓬山試官曰昨以人數擠排深慚名第奉浼焉得首冠之語肇曰頑石處上巨鼈戴之豈非首冠耶

盧暉進士自號白衣卿相

進士榜出謝後便往期集院其日狀元與同年相見請一人爲錄事其餘主宴主酒主樂探花主茶之類咸以其日辟之主樂兩人一主飲妓放榜後大科頭兩人第一部也小科頭一人第二部也常宴

卽小科頭主之大宴大科頭主之縱無宴席科頭日給茶錢曲江大會先牒教坊請奏上御紫雲樓垂簾觀焉公卿家率以是日擇壻車馬填塞

狀元以下到主司宅下馬綴行而立歛名紙通呈與主司對拜主事云請狀元謝名第第幾人謝衣鉢燕名有九一曰大相識主司有具慶者二曰次相識主司有偏侍者三曰小相識主司有兄弟者四曰聞喜勅下宴五曰櫻桃六曰月橙七曰牡丹八曰看佛牙九曰開宴寂大卽離筵也

蕭穎士恃才傲物嘗携酒郊野風雨暴至有紫衣老
父避雨穎士頗肆凌侮逡巡雨霽車馬卒至老人
上馬呵殿而去曰吏部王尚書也穎士明日具長
牋造門謝尚書責曰恨與子非親屬當廷訓之耳
子負文學之名踞忽如此止於一第乎穎士果終
于揚州功曹

崔沆爲主罰錄事同年盧彖附近宴關請假往洛及
同年宴於曲江亭子彖以彫幃載妓微服鞞鞚縱
觀爲圍司所發沆判曰深挽席肩密帙羶車紫陌

尋春便隔同年之面青雲得路可知異日之心

寶曆中楊相嗣復具慶下繼放兩榜時先僕射自東
洛入覲嗣復率生徒迎於潼關既回大宴新昌里
第諸生翼坐元白俱在賦詩唯楊汝士詩後成取
佳元白歎伏汝士醉歸曰我今日壓倒元白其詩
警句云文章舊價留鸞掖桃李新陰在鯉庭

曹汾尚書鎮許下其子希幹及第用錢二十萬榜至
鎮開賀宜宴日張之於側進士胡錡賀啓曰桂枝
折處着萊子之綵衣楊葉穿時用魯連之舊箭又

日一千里外觀上國之風光十萬軍前展長安之
春色

楊汝士尚書鎮東川其子知溫及第開宴汝士命營
妓人與紅綾一匹詩曰郎君得意及青春蜀國將
軍又不貧一曲高歌紅一匹兩頭娘子拜夫人
新進士尤重櫻桃宴乾符中劉相鎮淮南其子潭及
第勅邸吏曰醜罰所費取足而已時櫻桃初出和
以糖酪人享蠻盡一小盞不啻數升

羅玠貞元中及第開宴曲江泛舟玠以溺死後有關

試前卒者謂之報羅

裴思謙狀元及第作紅牋名紙十數詣平康里因留
宿賦詩曰銀釭斜背解鳴璫小語偷聲賀玉郎從
此不知蘭麝貴夜來新惹桂枝香

鄭合敬及第後宿平康里詩曰春來無處不開行楚
閣相看別有情好是五更殘酒醒時時聞喚狀頭
聲楚娘聞娘妓之尤者

盧肇宜春人與同郡黃頰赴舉頗富肇貧郡牧餞頗
甚盛肇策蹇而過明年肇狀元及第歸刺史以下

迎接因看競渡肇席上賦詩曰向道是龍剛不信
果然啣得錦標歸

薛逢晚年厄於宦途嘗策羸赴朝值新進士綴行而
出團司所由輩見逢斥令回避逢遣一介曰報道
莫乞相阿婆三五年少時也曾東塗西抹來

咸通中新進士集月燈閣為感鞠會四面看棚櫛比
同年肆覽鄒希回年七十餘榜末及第時同年將
欲卽席希回堅請更一巡歷或謔之曰彼亦何敢
望回

神龍以來杏園宴後皆於慈恩寺塔下題名同年中
推善書者紀之他時有將相則朱書之及第後知
聞或遇未及第時題名則爲添前進士字或詩曰
曾題名處添前字送出城人乞舊詩

苗台符年十六張讀年十七同年進士同佐鄭少師
宣州幕嘗列題西明寺中或竊注曰一雙前進士
兩箇阿孩兒

李煬題名於昭歷縣樓常瞻戲題曰渭水秦川拂眼
明希仁何事寡詩情多應學得虞姬壻書字纔能

記姓名

白樂天一舉及第詩曰慈恩塔下題名處十七人中
寂少年時年二十七省試性習相近遠賦玉川記
方流携詩謁李逢吉初不以爲意及覽賦頭曰噫
下自人上達由君成德以慎立性由習分逢吉大
奇之

裴晉公質狀眇小有相者曰郎君形神不入相書若
不至貴卽當餓死今殊未見貴處一日遊香山寺
有婦人致一緹繒於僧伽蘭楯祈祝擲筭瞻拜而

去度見其所致收取至暮婦人竟不至詰旦復携
來向者婦人疾趨撫膺曰阿父無罪被繫昨告人
假得玉帶二犀帶一以賂津要不幸遺失老父之
禍無所逃矣度因授之婦人拜泣請留其一度不
荅而去後見相者曰必有陰德及物前途萬里非
某所知也度果位極人臣

劉虛由與太平裴公早同研席及公主文虛白猶舉
進士簾前獻詩曰二十年前此夜中一般燈燭一
般風不知歲月能多少猶着麻衣待至公

方干師徐凝于嘗刺凝曰把得新詩草裏論反語曰
村裏老李頻師方干後頻及第詩僧清越贈干詩
云弟子已得桂先生猶灌園

李翱云韓退之之文古之文也其人古之人也宜春
黃頗師愈亦振名頗觀盧肇爲碑版則唾之而去
愈與人交有死卽恤其孤爲畢婚嫁孟郊張籍之
類是也

王勃著滕王閣叙時年十四都督閻公不之信令人
伺其下筆初報云南昌故郡洪都新府公曰老生
常談又云星分翼軫地接衡廬公不語至落霞與
孤鶩齊飛秋水共長天一色公矍然曰此真天才
垂不朽矣

詳載摭遺

韓愈皇甫湜一代龍門牛僧孺彗所業謁之其首篇
說樂韓始見題卽掩卷問曰且以拍板爲什麼僧
孺曰樂句二公大稱賞俟其他適訪之大書其門
曰韓愈皇甫湜同訪翌日遺闕以下咸往投刺因
此名振

王播少孤貧嘗客揚州木欄院隨僧齋僧厭之播至

已飯矣後二紀來鎮是邦向題字已碧紗幕其上
播作詩曰二十年前此院遊木欄花發院新脩而
今再到經行處樹老無花僧白頭上堂已了各西
東慚愧闍黎飯後鐘二十年來塵撲面如今始得
碧紗籠

鄭朗相公遇一僧曰郎君位極人臣然無及第之分
及第卽一生厄塞旣而狀元及第賀客盈門唯此
僧不至及重試退黜喑者甚衆此僧獨賀曰富貴
在裏竟如所卜

徐商相公於中條山寺讀書隨僧洗鉢

元和中李涼公下三十三人皆取寒素時有詩曰元
和天子丙申年三十三人同得仙袍似爛銀文似
錦相將白日上青天

李德裕頗爲寒峻開路及南遷或有詩曰八百孤寒
齊下淚一時南望李崖州

杜紫微覽趙渭南卷詩云殘星幾點鴈橫塞長笛一
聲人倚樓因目礮爲趙倚樓復贈詩曰今代風騷
將誰登李杜壇灞陵鯨海動翰苑鶴天寒

平太白謁賀知章知章曰公非人世之人可不是太
白星精耶

孫偓嘗夢積木數百偓踐履往復李圓曰來年必是
狀元何者已居衆材之上也果如其言

畢誠相公及第年夜聽響卜久無所聞俄遇人投骨
於地群犬爭趨又一人曰後來者必銜得

鄭薰侍郎王文誤謂顏標乃魯公之後時徐方未寧
意在激勸忠烈卽以標爲狀元謝日問及廟院標
曰寒畯未嘗有也始知誤取或嘲曰主司頭惱太

冬烘錯認顏標作魯公

李延璧就試夜於鋪內偶獲半臂延璧起取衣之同
鋪曰此得非神授遂巡有人擒捉大呼曰捉得偷
衣賊也

裴筠婚蕭楚公女問名未幾便擢進士第羅隱以一
絕刺之詩曰細看月輪還有意信知青桂近嫦娥
許孟容進士及第學究登科時號錦襪子上看娑衣
皇甫湜與李生書曰近風偷薄進士尤甚至有一謙
三十年之說讀詩未有劉長卿一句已呼阮籍爲

老兵矣、筆語未有駱賓王一字、已罵宋玉爲罪人矣、書字未識偏旁、高談稷契、讀書未知句度、下視服鄭

沈雲翔十人交通中貴號芳林十哲芳林門名由此入內

劉崇特賜及第常岫賀之曰三十浮名每年皆有九重知己曠代所無

李摯與李敏同姓同歲同門同年登第摯詩曰因緣三紀異契分四般同

秦韜玉貴公子行曰堦前莎毬綠不卷銀龜噴香挽不斷亂花織錦柳撚線吐衣點池臺畫屏展却笑書生把書卷學得顏回忍饑寒

杜德祥放榜曹松等五人年俱七十餘時謂之五老榜

張倬落第捧登科記頂戴曰此千佛名經也

平會謁華州李相不遇吟曰老夫三日門前立珠箔銀屏晝不開詩卷却拋書袋裏譬如閑看華山來劉生魯風投謁所知爲典謁所阻吟曰萬卷書生劉

魯風煙波萬里謁文翁無錢乞與韓知客名紙毛
生不爲通

虞汪門族甲天下舉進士不第詩曰惆悵興亡繫綺
羅世人猶自選青娥越王解破夫差國一箇西施
已太多晚年失意作酒胡子歌曰胡貌類人傾側
不定緩急由人不在酒胡酒胡一滴不入腸空令
酒胡名酒胡

劉得仁貴王之子出入舉場竟無所成曰外家雖是
帝當路且無親既終僧栖白詩曰忍苦爲詩身到

此冰魂雪魄已難招直教桂子落墳上生得一枝
冤始銷

蔣凝應宏詞爲賦止及四韻傾刻播傳或曰白頭花
鈿滿面不若徐妃半粧

貞元中白樂天應宏詞試漢高祖斬白蛇賦考落蓋
賦有知我者斬白帝不知我者謂我斬白蛇也登
科之人賦並無聞白公之賦傳於天下

趙牧效李長吉爲短歌可謂蹙金結繡而無痕跡
崔櫓梅花詩曰強半瘦因前夜雪數枝愁向晚來天

又曰初開已入雕梁畫未落先愁玉笛吹蓮花詩
曰無人解把無塵袖盛取殘香盡日憐

李濤有詩名如水聲長在耳山色不離門掃地樹留
影拂牀琴有聲又落日長安道秋槐滿地花

任濤詩有露團沙鶴起人卧釣船流數舉不第李隲
廉察江西特放卿役有論列者隲判曰江西境內
為詩得及濤者即放色役不止濤也

周緘為角觝賦云前衝後敵無非有力之人左攫右
挈盡是用拳之手

張喬試月中桂詩云與月長洪濛扶踈萬古同根非
生下土葉不墜秋風每以圓時足還隨缺處空影
高群木外香滿一輪中未種青霄日應虛白兔宮
何當因羽化細得問神功

謝廷浩以詞賦著名號錦繡堆

李洞詩云藥杵聲中擣殘夢茶鐺影裏煮孤燈送人
歸日本詩云島嶼分諸國星河共一天

吳子華詩云暖漾魚遺子晴遊鹿引麋

進士褚載投贄於蘇威侍郎有數字犯諱載啓謝畧

曰曹興之圖畫難精終慚誤筆殷浩之兢持太過
翻達空函

李義山重九日謁令狐相不見題詩屏風而去詩曰
曾共山公把酒卮霜天白菊正離披十年泉下無
消息九日尊前有所思莫學漢臣栽苜蓿還同楚
客詠江離郎君官貴施行馬東閣無因更重窺
薛保遜好巨編自號金剛杵太和中公卿之門卷軸
填委率為閹媪脂燭之費因之平易者曰若薛保
遜卷即所得倍於常也

盧肇初舉先達或問所來肇曰某袁民也或曰袁州
出舉人耶肇曰袁州出舉人亦由沅江出龜甲九
肋者蓋稀矣

李白戲贈杜甫曰飯顆山前途杜甫頭戴笠子日卓
午借問因何太瘦生祇為從來作詩苦

舉人率以白紙糊案子面鄭昌圖詩曰新糊案子其
白如銀出試入試千春萬春

鄭光業有一巨皮箱凡投贄有可嗤者即投其中號
曰苦海

鄧光業策試夜有同人突入吳語曰必先必先可相
容否光業爲輟半鋪之地其人曰仗取一杓水更
託煎一椀茶光業欣然爲取水煎茶居二日光業
狀元及第其人啟謝曰旣煩取水更便煎茶當時
不識貴人凡夫肉眼今日俄爲後進窮相骨頭
賈島不善程試每試自疊一幅巡鋪告人曰原夫之
輩乞一聯

咸通末執政病舉人僕馬大盛奏請進士並乘驢鄧
光業軀幹偉大或嘲曰今年敕下盡騎驢短轡長

鞦滿九衢清瘦兒郎猶自可就中愁殺鄭昌圖

崔櫓酒後忤陸肱郎中以詩謝曰醉時顛蹶醒時羞
麤蘖催人不自由叵耐一雙窮相眼不堪花卉在
前頭

衛元規酒後忤丁僕射以書謝曰自茲囚酒星於天
獄焚醉目於秦坑

元相公在浙東賓府有薛書記酒後爭令以酒器擲
傷公猶子遂出幕旣去作十離詩以獻犬離王筆
離手馬離廐鸚鵡離籠燕離巢珠離掌魚離池鷹

揚言
離王竹離亭鏡離臺大詩云馴擾朱門四五年毛
香足淨主人憐無端咬着親情容不得紅絲毯上
眠筆詩云越管宣毫始稱情紅牋紙上撒花瓊都
緣用久鋒頭盡不得羲之手內擎鸚鵡詩云隴西
獨自一孤身飛去飛來上錦裯都緣出語無方便
不得籠中更喚人燕詩云出入朱門未肯拋主人
常愛語交交啣泥穢汚珊瑚簾不得梁間更壘巢
溫庭筠燭下未嘗起草籠袖凭几每賦一咏一吟而
已場中號溫八吟

李鎮知揚州章孝標賦春雪詩云六出飛花處處飄
黏窓拂砌上寒條朱門到晚難盈尺盡是三軍喜
氣消

張祐客淮南幕中赴宴杜牧同坐有所屬意索骰子
賭錢酒後微吟曰骰子巡巡褻手拈無因得見玉
纖纖祐曰但知報道金釵落髣髴還應露指尖
溫飛卿喜為人代筆沈侍郎主文特召飛卿簾前試
之或曰替救八人矣

裴慶餘佐李公淮南幕嘗遊江舟子刺船篙濺水濕

近坐公色變慶餘作詩曰滿額鵝黃金縷衣翠翹
浮動玉釵垂從教水濺羅衣濕知道巫山行雨歸
裴庭裕乾寧中在內廷文書敏捷號下水船姚洎號
急灘頭上水船

今孤趙相鎮維揚與張祐狎燕公行今日上水船風
又急帆下人須好立祐曰上水船船底破好看客
莫倚施

長安有僧善病人文音尤能捉語意相合處張籍頗
恚之冥搜愈切因得句曰長因送人處憶得別家

時僧曰此人有道了也乃吟曰是他桃李樹思憶

後園春

張祐憶柘枝詩曰鴛鴦綉帶拋何處孔雀羅衫屬阿
誰白樂天呼爲問頭祐曰明公亦有目連經長恨
詞云上窮碧落下黃泉兩處茫茫皆不見此不是
目連訪母耶

章孝標及第後寄白樂天曰及第全勝十改官金湯
鍍了出長安馬頭漸入揚州路爲報時人洗眼看
答曰假金方用真金鍍若是真金不鍍金十載長

安得一第何須空腹用高心

方干瘦兒唇缺性好侮人嘗與龍丘李主簿同酌李
目有翳干改令譏曰措大喫酒點鹽軍將喫酒點
醬只見門外看籬未見眼中安障李荅曰措大喫
酒點鹽下人喫酒點鮓只見手臂着欄未見口唇
開袴

裴令公居東洛夜宴聯句元白有得色次至楊汝士
曰昔日蘭亭無艷質此時金谷有高人白曰笙歌
鼎沸勿作此冷淡生活元曰樂天能全其名

高祖呼裴寂為裴三明皇呼宋濟為宋五德宗呼陸
贄為陸九

常澳孫宏同在翰林宣宗賜銀餠餽食之甚美皆乳
酪膏腴所製

趙嘏詩曰早晚粗酬身事了水邊歸去一閑人果止
於渭南尉

舊語一曰聞多見少跡靜心動卷頭有眼肚裏沒噴
二曰貌謹氣和見面少聞名多

切忌六事一就門生同年求及第二求僧道薦三對

人前說中表在重位四誇作客五愛享後進酒食
六沒用處

禹澳久舉不第或謔之曰一百二十箇蠅蝗推一箇
屎塊不上

皇甫松牛童公之甥怨公不薦為謗詩曰夜入真珠
室朝遊玳瑁宮真珠即公侍妾名也

宣宗吊白樂天詩云綴玉聯珠三十年誰教冥路作
詩仙

吳子華為賦一夕夢成於腹笥

胡玠月詩云桂根寧有土光外更無空

七冷然上時宰書曰公有文章時豈不欲文章者見
之乎公未富貴時豈不欲富貴者見之乎今貴稱
當朝文稱命代見天下有文章未富貴者宜何如
哉

溫憲天啟中及第為山南從事李巨川表述其淹屈
曰娥眉光妬明妃為去國之人猿臂自傷李廣乃
不侯之將

胡鉦與裴慶會犯分者擊以鐵躋鐵躋燈臺也

顧雲大順中同年昭業等脩史時劉子長僕射有清
名雲求高逢休諫議書為先容雲啟潛閱之凡一
幅並不言雲但云昭業等擬將一尺三寸汗脚踏
地燒殘龍尾道懿宗雖薄德不任彼前人羅織執
大政者亦大悠悠雲歎息而已

李相讀春秋誤以叔孫婁勅畧呼為勅咎有小吏曰
某緣師受誤呼文字今聞相公呼婁為婁方悟之
耳公曰不然因檢釋文果勅畧反公大慚號小吏
一字師

鍾輻建山齋手植一松夢朱吏曰松圍三尺子當及
第後三十年策名松園果然

楊敬之拜國子司業次子戴進士及第長子三史登
科時號楊三喜

李賀年七歲名動京師韓退之皇甫湜覽其文曰若
是古人吾曾不知若是今人豈有不知之理二公
因詣其門賀總角荷衣而出二公令面賦一篇目
為高軒過

龜蒙卒顏堯誌其墓吳子華為祭文曰觸不碎潭

下月拭不滅玉上塵

顧蒙爲文慕燕許刀筆

進士榜黏黃紙四張以淡墨氈筆書禮部貢院四字
劉光遠作詩尤能埋沒意緒

蜀路有飛泉亭詩板百餘薛能過之盡打去唯留李
端巫山高一篇

庾承宣主文六七年方賜金紫門生李石已恩賜矣
石以紫袍金魚獻座主

何消爲瀟湘賦天下傳之同時潘綿以古鏡詩著名

或曰潘綿十年吟古鏡何消一夕賦瀟湘

段維嗜煎餅一餅熟成一韻詩

姚嵩傑與盧肇會于江亭肇改令曰遠望漁舟不闊
尺八姚遽飲嘔噦還令曰凭欄一吐已覺空喉

羅虬與宗人隱鄴齊名時號三羅廣明亂後從鄜州
李孝恭籍中有紅兒善肉聲虬作絕句百篇號比

紅詩大行於時

杜甫醉後厲聲問嚴武曰公是嚴挺之子武色變曰
僕乃杜審言兒

撰書
終

二二二
畢與宗人凱儀齊各却銀三縣實田瀆對其碑
只八地處增置銀數今日武職一出日覺空郊
地富新與盧肇會于武亭肇如今日彭聖庶世不聞
列縣實田增一增銀丸一增結
何短曰番縣十平今古竟同前一文規蕭賦

小名錄卷上

唐平原陸龜蒙著 明山陰陳汝元校

秦始皇二十六年兼并天下定郡三十六海內一統
議立號除謚法自稱始皇以一世二世至于千萬
世三十二年因奏鬼神圖書事曰亡秦者胡乃使
蒙恬興兵三十萬北築長城以備胡三十七年始
皇出遊丞相李斯與少子胡亥從西至平原津始
皇病七月崩於沙丘丞相李斯立胡亥矯賜太子
扶蘇死是為二世趙高殺之於望夷宮而立子嬰

小名錄

卷上

遂亡亡秦者胡於斯驗矣

漢呂后名娥姁

武帝即位尊太后母戊兒為平原君

成帝名鷲元帝之子以宣帝之世生於甲觀畫堂號

曰世嫡皇孫皇帝愛之因曰太孫常置左右

司馬相如字長卿母少字之曰犬子長好讀書學擊

劍慕蘭相如乃更名

魏志管輅別傳曰輅父為瑯琊郡佐輅時年十五瑯琊太守單于春欲見輅父遣造之子春曰此年少戲有才器聽其言論似司馬犬子遊獵之詞

楊雄之子小字童烏九歲與子雲論玄

匡衡字稚圭少勤學家貧邑有大姓文不識家富墻

籍衡乃為客作而不求直主人恠問衡曰願得主

人書徧觀之主人感嘆遂給書衡能說詩時人語

曰無說詩非鼎來匡說詩解人頤鼎衡小字也其

畏服如此

顏師古曰鼎正也如春秋鼎盛之義

齊太倉令淳于公有罪當刑以無子為嘆少女緹縈

感激上書願沒入官婢以贖父刑天子憐其意為

除肉刑改定律令

成帝元始中有涓城小女陳持弓年九歲走入城門

入未央宮內尚方掖庭殿門門者莫見至鉤盾禁中乃覺

初武帝為太子時長公主欲以女配帝帝尚小長公主指女問帝曰得阿嬌好不帝曰若得阿嬌作婦當以金屋貯之公主大喜乃以配帝是曰陳后阿嬌小字也

東漢世祖諱秀字文叔初南頓君為濟陽令而世祖生是歲嘉禾生縣界大熟因名秀按此即小名也當時尚質長遂不更故識言劉秀作天子二十一祖亦自負焉

皇后郭氏真定人父昌真定恭王以女妻昌昌早終其妻號曰郭王好禮節儉以王女之富手常報作女曰聖通有寵生皇子強况以為城門校尉封綿曼侯况皇后弟也賞賜甚厚京師號為金穴赤眉立劉盆子為天子初有說赤眉建立宗室以行誅伐乃求得景王後七十餘人唯盆子最親盆子年十五歲被髮徒跣見眾人拜已恐怖欲啼盆子故武侯前子王莽為家人赤眉過畧適盆子在赤眉中為劉俠卿牧牛盆子既立猶朝夕拜俠卿

卿為之跪後祠景王於北郊使盆子乘鮮車大馬
軍中牧兒皆隨車觀曰盆子在是中祠後復歸俠
卿所時欲出從牧兒戲俠卿怒止之樊崇等亦不
復候視也

班昭字惠姬曹世叔妻處之女也大家集云父為

陳留長木家隨至作東征賦初大將軍梁商獻羹
人於順帝姓友字通期帝以歸商商不敢留而出
嫁之冀即遣客追盜通期還會商薨冀行服於城
西廬常與之居冀妻承書梁紀之伺冀出即多從

蒼頭追通期歸治掠之因言當上書告之冀大恐
頓首請於壽母壽不得已而遂幽閉通期後冀復
私召往來生子伯玉匿不敢出壽知之使其子河
南尹胤械友氏家冀恐壽害伯玉常置複壁中至
年十五冀被誅乃出壽甚美而善為妖惑好為墜
馬髻愁眉啼粧折腰步齟齬笑性鉗忌能制冀冀
不敢違冀愛監奴秦官官至太倉令得出入壽每
往來屏侍者私語遂與宮通威振百寮刺史二千
石冀於洛陽城門內起甲第而壽於狹街起宅與

小名錄 卷一
冀相高作陰陽殿連閣通房魚池釣臺梁柱門戶
皆銅杏紵漆青瓌丹墀刻鏤爲雲氣天采土築山
十里九坎以像二嶠窮極妙麗金玉明珠充牣其
中冀與壽夜乘輦張羽蓋飾以金銀遊戲第中賓
客詣門不得通謁謝門者門者累千金冬十月冀
與壽及諸子相隨游獵諸苑中縱酒作倡樂冀胡
狗封襄邑侯壽爲襄城君

梁冀之誅太尉李固也郡縣承旨殺固二子憲公李
公初並爲長史聞固策免皆棄官歸固知禍將及
乃命二公將小子變還鄉固女文姬涕泗曰李氏
滅矣密與二公謀其逃宣言還京師矣鄉人信之
後二公果受害王成者固之僕餘也文姬厚爲其
資以變屬成曰君執義於公家爲日久矣是以當
危託君六尺之孤若李氏復存君之名義齊於程
杵成迺義士乃將變走徐州變姓名爲酒家僕賣
卜於市會赦得免成亦病卒變厚葬之變旣歸文
姬涕泣曰先公寒爲漢忠臣然梁氏暴虎今爾幸
全血祀豈非天乎宜杜絕衆人不然禍重至矣變

敬從卒以獲免變學行才藝亞固官至京兆尹
 傳變字南容性剛直不為權貴改節出為漢陽太守
 時冀郡兗反進圍郡城胡騎數千在城外卯頭欲
 令變棄官歸鄉里變子幹年十三亦曰願大人歸
 鄉里變慨然而歎呼幹小字曰別誠汝知吾心耶
 聖達節次守節伯夷不食周粟仲尼以為賢生亂
 世何處求生汝其勉之魏太祖見幹年八歲時甚
 奇之及為司空召幹為尚書郎

彭寵之叛家數有變恠堂上聞蝦蟆聲在火爐下鑿

地而求之不得卜筮多言兵從中起寵奴子密等
 三人謀劫寵是日寵齋便室晝臥三奴其縛寵從
 呼諸奴婢以寵教責問便收縛各置空室中以寵
 聲呼其妻妻入室見縛驚曰奴反耶摔妻頭擊頰
 趣為諸將軍辨裝兩奴將妻入取物一人守寵寵
 謂守奴曰若小兒我素所愛也為密所迫脅耳解
 我縛出閣則活矣用女妻汝家中財物悉與汝小
 奴意欲解之而子密適至遂不解使妻縫繡囊解
 寵手令作教告城門令子密等出勿稽留書成斷

寵及妻頭置囊中馳詣闕封子密爲無義侯

魏武帝曹操字孟德一小名阿瞞故有曹瞞傳南陽許攸字子遠少與袁紹及太祖善官渡之役攸諫紹勿與太祖爭紹不從乃往詣太祖紹破走及後得冀州攸有功焉攸恃勲勞時與太祖相戲每在座席不自限至呼太祖小字曰阿瞞卿不得我不得冀州太祖笑曰汝言是也然內媵之其後行出鄴東門攸顧左右曰此家不得我則不得出入此門人有白太祖太祖遂誅之

驍騎將軍秦朗字元明新興人父宜祿爲呂布使詣袁術袁術妻以漢宗室女其妻杜氏下邳人布之圍關羽屬請於太祖求杜氏爲妻太祖疑其色及城陷太祖親見乃納之朗隨母蓄于公宮太祖甚愛之每座席謂賓客曰豈有人愛假子如孤者乎歷文世無尤明帝卽位爲驍騎將軍帝以爲親愛每顧問之多呼其小字曰阿鱗一本阿魚數蒙賞賜文帝郭皇后少清慧父未奇之曰吾此女女中王遂以女王爲字早失二親遭難流離在銅鞮侯家太

祖爲魏公時得入東宮文帝所愛

美人姓薛名靈芸靈芸年十七容貌絕世時文帝選良家子以入六宮靈芸別父母升車以玉唾壺承淚壺皆紅色帝遣文車十乘以迎靈芸芸去京十里帝乘雕玉之輦以望車徒之盛嗟曰昔言朝爲行雲暮爲行雨今非雲非雨非朝非暮因易名爲夜來夜來妙於針工非夜來裁制帝不服也宮中號爲神針

關內侯鄭小同玄之孫也玄別傳曰玄有子爲孔融
吏舉孝廉融之被圍往赴爲賊害有遺腹子以丁卯月生而玄以丁卯歲生命之曰小同長遂名焉
李通字文達江夏平春人也小字萬億勇冠三軍爲太祖所知卒謚剛侯

臧霸字宣高泰山人也聞黃巾起霸從陶謙擊破之拜騎都尉遂收兵於青徐間與孫觀吳敦尹禮並聚衆霸以兵助呂布布敗歸太祖太祖善之霸二名寇奴孫觀名嬰子吳敦名黯奴尹禮名盧兒觀官至青州刺史從征孫權爲矢貫足力戰不顧

曹爽之專政也其黨何晏鄧颺丁謐爽敬之言無不
從於時謗書謂臺中三狗二狗崖柴不可當一狗
憑黠作狙囊三狗謂何鄧丁黠爽小字其意言三
狗皆欲齧人者

孫權末臨海羅陽縣有神自稱王表羅陽今之安國周旋民間
言語飲食與人無異然不見其形有一婢名紡績
權遣中書郎李崇齎輔國將軍羅陽王印綬迎

表表隨崇俱出所歷山川遺紡績與神相聞崇與
表至權立第舍於蒼龍門外數使近臣齎酒往表
說水旱小事往往奇中

後主孫皓字元宗一名彭祖字皓宗或云彭祖小字
也

蜀劉封者本羅侯寇氏之子長沙劉氏之甥也先主
至荊州未有繼嗣養爲子年二十餘有武藝氣力
過人將兵與諸葛亮沂流西上所在戰克益州旣
定以封爲副中郎稍遷副將軍後與孟達會兵上

谷封與達忿爭不和封奪達鼓吹達懼乃發表辭
先主率所領降於魏文帝以達為建武將軍平陽
亭侯與徐晃其襲封達與封書曰足下與漢中王
道路之人耳親非骨肉而據權勢義托君臣而處
上位征則有偏任之威處則有副軍之號遠近所
聞也自立阿斗已來阿斗後主禪小字有識之人相謂寒
心今足下棄父母為人後非禮也知禍將至而留
之非智也見正不迴從而疑之非義也號為丈夫
為此三者何所貴乎以足下之才棄身來繼嗣羅

侯不為背本也北面事君不為棄舊也恐為亂以
免亡不為徒行也封不從先主責封侵陵諸葛亮
勸除之於是賜封死歎曰恨不用孟子度之言先

主亦為流涕

襄陽耆舊傳曰習竺字文暉為劉備治中與劉升在公安同硯席

魏

志載明帝破諸葛露布云劉備背恩自竄巴蜀諸
葛亮棄父母之國阿殘賊之黨神厚備毒惡積身
滅亮外慕立孤之名而內貪禮之實斗之兄弟
守空城而已

晉愍太子名遹字熙祖惠帝長子娉王衍小女字惠

風其將廢也。有童謠曰：南風烈烈吹白沙，南望魯國鬱鬼峩，千歲髑髏上齒牙。南風賈后小字也。白晉行沙門太子小字澹，賈謚國言太子遭賈后與謚相危之酷也。

齊獻王攸字猷，少岐嶷，及長清和平易親，賢好施愛，經籍能屬文，善尺牘，世推才望。出武帝之右，景帝無子，命攸為嗣。及帝崩，攸年十歲，哀動左右。武帝踐阼時，朝廷草創，攸惣統軍事，撫寧內外，莫不景附焉。初，文帝甚寵攸，每見輒撫床呼其小字曰：此

桃符座幾為太子者數矣。及帝寢疾，慮攸不安，為武帝叙漢淮南王魏陳思王故事，而泣執手以授。帝後為荀勗馮統所怨，譖之。大康三年，乃下詔以攸為大司馬都督青州諸軍侍中如故。攸知勗等構已憤然而薨，每就人借書，必手刺其謬，然後反

之。

宋明太后將崩，謂武帝曰：桃符性急，汝宜私之矣。

石崇字季倫，勃海清河人。苞之子，生於青州，故小字齊奴。苞六男，崇是小子。苞臨終，分諸子財，獨不及崇。其母為之言苞曰：此兒雖小，大能自得。拜黃門

累遷荊州刺史劫商致富遷征虜將軍崇有別館
 在河陽之金谷園一名梓澤諂事賈謚與潘岳為
 二十四友有水碓三十餘區蒼頭八百餘人崇有
 愛婢曰綠珠美而工藝孫秀欲之使人求焉崇館
 於白下方登清涼觀臨清水使者以告崇出婢妾
 數十人以示皆蘊蘭麝被羅縠曰任以擇使者曰
 君侯服御麗則麗矣然受命取綠珠崇勃然曰綠
 珠不可得也使者再三崇不許遂以告秀秀誅之
 崇復有愛婢名翔風魏末於胡市買得年始十歲

至二十遂有容色妙別玉聲觀寶色石氏之富瑰

寶皆殊方異國所得莫辨其處翔風別之皆出入

地崇艷麗者數千翔風以文詞擅愛綠珠弟子宋

簫後入秦
明帝宮中

王濬字士治弘農人也小字阿童為益州刺史時吳

中有童謠曰阿童復阿童銜刀浮渡江不畏岸上

虎但畏水中龍羊祜聞之乃表濬監益州加龍驤

將軍竟平吳謠言應矣

賈充字公閭娶李氏名婉淑生二女一曰褒裕二曰

王凝之妻謝氏道韞安西將軍奕之女也初適凝之
還甚不悅叔父安曰王郎逸少子不惡汝何恨耶
荅曰一門叔父則有阿大中郎群從兄弟復有封

胡遏末封胡遏末謝不意天壤之中乃有王郎

謝太傅安寒食內集兒女論文義俄而雪驟公欣然

曰白雪紛紛何所似兄子胡兒朗小曰撒鹽空中

差可擬兄女道韞曰未若柳絮因風起公大笑樂

朗字長度安次兄據子仕至東陽太守

謝胡兒語庾道季庾小字也亮之子諸人日暮欲

就卿談可堅城壘庾曰若文度王坦之字來我以偏師

待之康伯韓來濟河焚舟矣胡兒作著作郎當作

王堪傳不諳堪乃諮太傅太傅答曰世曹堪字亦被

遇堪烈之子阮千里姨兄弟潘安仁中表安仁所

謂子親伊姑我父惟舅是許元婿

謝公因諸子集聚問毛詩何句最佳遏稱曰昔我往

矣楊柳依依今我來思雨雪霏霏公曰許謨定命

遠猷辰告此句偏有騷人深知遏玄小字遏年少時好

着紫羅香囊垂裏子叔父患之而不欲傷其意乃

譎與棋賭賭得乃燒之

桓宣武作徐州時謝奕於晉陵先桓經度懷而無異
常及桓遷荆州時面晤之間意氣甚篤奕弗之疑

唯謝虎子

據小字奕之弟婦王

據取太原王輔女名經悟其旨每曰

桓荆州用意殊異必與晉陵俱西矣俄而引奕為
司馬奕在溫座席岸憤嘯詠宣武曰我方外司馬
謝虎子常在屋燒鼠胡兒既無由知之聞人道有此
者戲之非復一過太傅既了知亥不知因語胡兒
曰世人以此謗中郎亦言其作此了仲反累世有

兄弟三人即謂第二曰中今據兄弟有五六而以
據為中何也當是有三時以中為稱閨門之目仍
復未改故云胡兒燠熱一月齋不出太傅靈托引
已以相關悟可謂德教矣

桓冲字幼子彝之子溫諸弟中取淹識有武幹溫甚
器之初彝亡弟兄並小家貧母患須羊以解無由
得之溫乃以冲為質羊主甚富言欲為質幸為養
買得郎冲小字及冲為江州出射羊主於射堂邊看
冲識之曰買得也遂厚報之冲性儉素常浴後其

妻送以新衣冲怒促持去其妻曰衣不經新何緣得故冲笑而服之

桓玄字敬道大司馬溫孽子其母馬氏嘗與同輩夜坐月下見流星墜銅盆中如二寸火珠罔然明淨競以瓢接取獨馬氏得而吞之若有感遂娠及生玄有光照室占者云此兒生有奇輝宜字為天宣武嫌其三文復字為神靈寶猶復同三既嘆重前却減神一字名靈寶玄南郡被召作洗馬泊船秋渚王大王大忱小字也服散已小醉往看桓玄為設酒或云

忱字佛天王大能飲顧左右令溫酒來玄以手巾淹淚

王求去因謂王曰犯我家諱何預卿事王嘆曰靈

寶故自達

語林曰玄木立忌日止忌五時其達而不拘皆此類也

桓循少為

玄所侮每言論常鄙薄之循深以為憾及玄將墓循請於母庾夫人計襲玄庾曰靈寶視我如骨肉

忍相圖耶循乃止

循小字阿庄

劉毅字希樂彭城人破桓玄以功授都督淮南五郡軍事豫州刺史封南平郡開國公都督宣城軍事初桓玄在南州起齋悉畫盤龍號盤龍齋毅小字

盤龍至是居焉

桓石虔小字鎮惡豁之子有材幹趨捷絕倫從父在
荊州於獵園中有猛獸被箭而伏諸督將素知其
勇戲令拔箭石虔亦跳高於獸獸伏復拔一箭以
歸有患瘡者呼石虔來疾者多愈虔年十八九未
被舉童幹常呼

為鎮
惡郎

褚爽字茂弘河南人太傅東之孫祕書監詔之子太
傅謝安見其少嘆曰若期生爽小不佳我不復論
事及長果俊邁有風氣好老子當世榮譽弗之屑

也唯與殷仲謀交善遷中書郎始興太守

王忱字元達坦之子王恭隨父蘊在會稽王大忱小

都來拜墓恭暫往墓下看之二人素善遂十餘日
方還父問何故多日對曰與阿大語蟬連不得歸
因語之曰恐非爾之友中乖愛好後為王緒所間
終成怨隙果如其言

司馬太傅為二王題目曰孝伯亭亭直上阿大羅羅
情踈王恭始與建武甚有情後遇表悅之間遂致
疑隙然每有興會故有相思時恭常行散至京口

射堂于時清露晨流新桐初發王因嘆曰王大故自濯濯王恭從會稽還王大看之見其坐六尺簟因語恭曰東來故應有此物可以一領與我恭無言及王大去後舉所坐簟送之既無餘席便坐薦上大後聞甚驚曰吾本謂卿多故求取對曰大人不悉恭恭作人無長物

王澄字平子高風不群曠達獨傲每聞玠談名理輒絕倒人曰衛玠談道平子三倒後王敦為大將軍鎮豫章玠避亂投敦與之談彌日信宿敦曰昔王

輔嗣吐金聲於中朝此子復玉振於江表微言之緒絕而復續不悟永嘉之末復聞正始之音阿平

澄小字若在當復絕倒矣

王衍嘗為天下人士題目曰阿平第一子嵩庾第二

處仲宣第三王王孝伯恭問王大曰阮籍何如司

馬相如王大曰阮籍胷中壘塊故須酒澆之王俯

大笑曰三日不飲酒便覺形神不復相親司馬太

謝遏夏日常仰卧謝公清晨卒來不暇着衣跣出房

外躡履問訊公曰汝可謂前踞後恭也謝太傅未

冠時始出西王長史濛與清談良久去後荀子王

字小問曰向客何如尊長史曰向客疊疊風采逼人

脩字敬仁濛之子

許祿少時人以比王荀子許大不平後因會稽西寺

講王理遂屈僧意在瓦官寺中王荀子來與其語

使者唱禮便謂王曰聖人有情否王曰無重問聖

人如柱耶王曰如籌算耳雖無情運之者有情意

曰誰運聖人也荀子不得答而去

庾統字長仁衛將軍澤之子也少有令名仕至尋陽

太守簡文目庾赤玉省率除理謝仁祖常云庾赤

玉胷中無宿物統小字赤玉王坦之弱冠與郝超俱有

重名時人爲之語曰盛德絕倫郝嘉賓江東獨步

王文度嘉賓超小字超字景與高平人司空隋之子超少有才氣

越世邁俗常檢語曰大才槃槃謝家安盛德日新

郝嘉賓桓公語曰嘉賓阿源殷浩字巨源小字阿源有德有

言向使便作令僕足以儀刑百揆朝廷用違其才

耳嘉賓欽崇釋道安德問向未千斛脩書累紙意

寄殷勤安德答云損未彌覺有待之爲煩

郝嘉賓書與袁虎寵小字戴安道謝居士云恒任之風

當有所引耳以無常以此激之

范啓與嘉賓書曰子敬舉體無饒縱掇皮無餘潤郝

答曰舉體無餘潤何如舉體非真也范性矜假多

煩嘲之郝融小字倉融即嘉賓弟也郝司空拜北

府舊徐督以束為稱晉氏南遷徐州刺史王黃門

微之字詣郝問云應變將畧非其所長驟詠之不

已郝倉謂嘉賓曰公今拜子猷言殊不遜深不可

容嘉賓曰此是陳壽作諸葛亮評人以汝家比武

侯

王臨之字仲產僕射彪之子位至東城太守王右軍

曰我家阿林臨之小字清章太出

郝恢字道胤小字阿乞王子猷詣郝雍州郝在內見

有髡髻云阿乞那得物勅左右送還家郝出覓之

曰向有大力者負之而趣郝無忤色

王胡之字循齡清約以風操自居才器率衆舉有秀

悟小字阿齡謝太傅語劉長卿曰阿齡於此事欲

大屬劉曰亦名士之高操者也

王蘊恭之父也小字阿興世稱荀子秀出阿興清和
王珣字元琳小字法護一云阿菘謝公領中書監王
東亭有事應同上省王後至坐促王謝雖不通太
傅猶歛膝容之王神意甚閑暢謝公傾目還謂劉
夫人安娶沛國劉號女曰向見王菘故自未易有
雖不相關正自使人不能已王珣字季琰珣之弟
子小字僧珍有才藝善行書名出凡流故有語曰
僧珍難為兄法護難為弟累遷侍中中書令王大
為吏部嘗為選草臨當奏王僧珍來即出視之僧

珍得便以已意改所選者近半主人甚以為佳即
寫更奏

僧珍謝車騎玄其集王小奴許小奴小奴小字僧珍舉酒

勸謝云奉使君一觴言曾為徐州謝曰可爾僧珍

勃然起作色曰汝故吳興溪中釣碣耳何敢併張

玄叔父曾在吳興玄少謝徐撫掌而笑曰衛君珣

殊不簫省乃凌上國

提婆初至僧伽提婆罽賓為王東亭第講阿毗曇晉

無此始發講才半僧珍便云都已曉即於坐分數

四有意道人便就餘屋自講講竟東亭珣問法門
道人曰弟子都來未解阿珍那得已講所得云何
尤狙也尤狙不可解

吳孫權步夫人臨淮陰淮陰以羨麗得幸生二女長
曰魯班字虎前配周瑜子循後配全琮少曰魯育
字小虎前配朱據後配劉纂

孫休字子烈權第六子卽位立子靈爲太子乃下詔
曰人之有名以相紀別長爲作字憚其名矣禮名
子欲令難犯易避令爲四方作名字太子名靈音如

湖水灣

字蘭

音如迅

次名虎

音如兕

字霽

音如儼

次名萑

音如草

字盈

音如舉

次名

音如哀寬

字

焚

音如擁特

此都不與世所用同故鈔舊文今造

此字既不相配又字但一庶易避也普告天下咸

使聞知

此名之奇恠故附于此

孫亮字子明權少子權薨卽尊號亮有愛姬四人皆
振古絕倫一名朝姝二名麗居三名潔華四名洛
寶又作綠琉璃屏風甚薄而徹每月下清夜舒之
使四姬坐屏風內而外望之如無隔唯氣不通耳

為四姬合四氣香皆異國所出香氣在衣歷年彌盛百濯不歇因名百濯香聞曰大畧全是故未嘗有精覈耳

王恬字敬豫小字阿螭少好武不為文公所重丞相每見長豫悅則喜見敬豫則瞋阿螭基為中興第

一謝公嘗與謝萬共出西過吳阿欲相與萃王恬恬時為吳郡太傅曰恐汝不必酬汝意不足爾萬猶

苦要太傅堅不迴萬獨往坐少時王便入內謝殊有忻色以為厚待已良久乃沐頭散髮而出亦不

坐仍據胡牀在中庭晒頭神氣傲邁無相酬對意萬於是乃還未至船乃逆太傅曰阿螭不作重

王彭之字安壽小字虎狔虎之字叔武小字虎犢皆彬之子彪之年二十鬢皓白時人號為生白髮為

會稽內史豪右斂手是時桓溫廢海西公百寮莫知所為彪之謂溫曰取霍光傳來禮度儀注定於

須臾歎曰元彪不當如是也王右軍在南丞相與書每嘆子姪不令云虎狔虎犢

還其所知

王司州胡嘗乘雪往王螭許司州言氣有小相忤逆
於螭螭便作色不怡司州覺惡便舉牀就之持其
臂曰汝詎復與兄老計也螭撥其手曰冷如鬼手
強來捉人臂

王文度弟阿智

王度之小字

不翅年長而無人與婚孫興

公有一女小字阿桓亦僻錯又無嫁娶禮綽因詣
文度求見阿智既見便揚言此定可殊不如所傳
邠至今未婚我有一女但吾寒士不宜與卿計文
度欣然而啓藍田述述文度父母也驚喜成婚女之頑囂

更過阿智文度爲桓公長史桓爲兒求王女王許
諾咨藍田既還藍田愛念文度雖長大猶抱膝上
文度因言之述大怒排文度下膝曰兵邠可嫁女
與之文度還報云家中得婚處桓曰吾知矣此尊
府君不肯耳後桓女遂嫁文度兒王氏譜坦之子
愷娶桓第二女女字伯子愷仕至丹陽尹
庾翼字稚恭爲荊州臨終自表以子園客庾爰之字仲直小字
自代朝廷慮其不從命未知所爲乃其議桓溫劉
恢曰使伊去必能克定荊州恐不可復至後果如

恢言

桓伊字叔夏譙國銍人父景護將軍伊少有才藝善音律為劉恢王濛所知有蔡邕柯亭笛常自吹之王徽之赴召京師泊舟於青溪側伊素不與徽之相識伊於岸上過船中客稱伊小字曰桓王也徽之使人謂伊曰聞君善吹笛試為我一奏伊時貴顯素聞徽之名便下車踞胡床作三調弄上車便去主客不交一言一云字子野也桓公問子野謝安石知萬石必敗何以不諫子野曰固當出於相

難桓作色曰萬石撓弱凡才有何顏難犯

桓野每聞清歌

輒換奈何謝公聞之曰子野可謂一往有深情

桓嗣字祖恭冲之子也小字豹奴人或謂之桓豹奴

是王丹陽混外甥形似其舅桓甚諱之宣武云不

恒似時似耳恒侶是形時似是神桓愈不悅

桓允素輕桓崖桓脩小字家在京下有好桃玄連就之遂

得佳者玄與殷仲文書曰德之休明肅慎貢其楛

矢如其不爾籬壁間物亦不可得

陶範字道侃第十九子諸子中取知名王脩齡嘗

在東甚貧乏陶胡奴字範小為烏程令送一舟米遺之却不肯取直答語王脩齡若饑自當就謝仁祖索不須陶胡奴來

袁宏始作東征賦都不道陶公胡奴誘之狹室中臨以白刃曰先公勲業如是君作東征賦云何相忽畧宏窘蹙無計便云我曾大道何以云無因語曰精金百鍊在割能斷功則治民職思靖亂長沙之勲為史所讚

江敞字仲愷濟陽人父彪僕射敞歷黃門侍郎御驃

騎諮議王恭請盧奴

敞小字

為長史晨往詣江江猶

在帳中王坐不敢即言良久乃得及江不應直呼人取酒自飲一椀又不與王王且笑且言

後趙石季龍殺勒子弘僭位大饗群臣於太武殿佛圍澄吟曰殿乎殿乎棘子成林將壞人衣季龍令發殿石下視之有棘生焉諸石後為井閔滅畧盡閔小字棘奴

石季龍立子邃為太子邃字大淵少而雄慧帝深愛之及為嗣每顧左右曰馬家父子兄弟自為殘滅

若其不然吾豈有今日如我當有殺阿鐵理乎鐵
邃小字及邃總百揆荒耽酒色驕恣無道不堪儲
嗣乃廢爲庶人邃及張妃男女共六人其夜賜死
合一棺埋之

前燕慕容冲初符堅之滅慕容雋冲妹爲清河公主
年十四有殊色堅納之冲年十二有龍陽之姿堅
又幸之長安歌曰一雌復一雄雙飛入紫宮咸懼
爲亂王猛切諫乃出冲長安又謠曰鳳凰鳳凰止
阿房堅曰鳳凰非梧桐不棲非竹實不食乃各植

數千株於阿房以待之冲小字鳳凰是終爲堅賊
入止阿房後冲進攻長安堅登城責之曰爾輩群
奴止可牧牛羊何爲送死冲曰旣厭奴苦取爾見
代冲竟僭位於阿房前

秦符生之嗣僞位酷暴夜對侍婢曰阿法清河王兄

弟亦不可信明當除之是夜清河王符法夢神人
告之曰旦將禍集汝門先覺者可以免之寤而心
悸會婢來告乃率壯士數百人潛入雲龍門符堅
率麾下鼓譟生猶昏睡堅衆旣至引置之別堂廢

之爲越王俄而殺之符堅字永固一字文玉小字
肩頭祖洪父雄伯父捷西入關夢天神使者赤冠
朱衣拜肩頭爲龍驤將軍捷因爲壇於曲沃以授
之捷泣謂堅曰汝祖昔受此號汝爲神明所受可
不勉歟符生旣殘霍無度堅殺之遂僭號秦王

後涼呂纂字永緒光庶子殺光長子紹僭卽尊號有
若番太守呂超擅伐鮮卑思盤纂見超曰胡奴卿
恃兄弟恒欲欺吾耶要當腰斬然後天下定超頓
首謝曰不敢纂引超及諸州臣燕於內殿呂隆屢

勸纂酒遂至昏醉超取劍擊之洞胸奔于宣德堂
將軍魏益多人斬纂首以徇初纂與沙門羅什棋
殺什曰斫胡奴頭什曰不斫胡奴頭胡奴斫人頭
胡奴超小字竟殺纂驗矣

涼天水太守史穆暴疾而死五旬乃蘇云見涼光殿
中皆生白瓜至秦使梁熙至熙小字白瓜西涼武
趙王李暠字玄盛小字長生後立歆字士業玄盛
夢爲涼公領涼州牧代沮渠爲蒙遜所殺士業之
未敗也燉煌父老令狐熾家見白頭翁衣袷識曰

南風動吹長木胡桐推木中轂言訖不見士業小
字桐推至是乃亡

後燕慕容農字厚小字穎慧垂第三子也年九歲聞
太史黃紘曰俗稱參辰相見萬人相食各自一宿
何爲如是紘曰昔高辛氏有二子長曰伯閼王辰
次曰實沉王參日尋干戈自相征討後帝不滅使
伯閼王辰實沉王參別而離之相見則爭故代傳
言然農曰天有定宿以人甄之而成憎愛二子之
前參辰云何紘不能對垂深奇之

卷上終

小名錄卷下

唐平原陸龜蒙著 明山陰陳汝元校

宋高祖劉裕字德興小字寄奴

少帝義符小字車兵武帝長子立二年昏悖太后召
群臣廢帝爲滎陽王

文帝名義隆小字車兒武帝第三子立三十年爲太
子邵元亮所殺

孝帝武駿字休龍小字道民文帝第三子討元亮立
十一年崩

前廢帝子業小字法師孝武長子殘忍無道湘東王
或廢之在位一年

明帝或字休炳小字榮期文帝第十一子立七年崩
後廢帝昱字德融小字慧震明帝長子無道淫虐蕭
道成廢之

順帝淮字仲謀小字智觀立三年禪位于齊封汝陰
王

廣陵王義直字車士為揚州刺史太后謂帝曰道隣
汝布衣時兄弟宜用為揚州上曰寄奴於道隣豈

有所惜但揚州根本所寄事務去多非道鄰所了
太后曰道隣年出五十不如汝十歲兒也上曰車
士雖為刺史事無大小皆由寄奴道隣年長不親
其事則於聽不足太后默然

王愉小字駒晉尚書僕射江右冠族子綏亦有重名
以高祖起自布衣甚忽之裕晚得志悉誅之唯司
徒王謚有舊恩雖為桓玄位命終保持之不得誅
謚從弟湛謂駒無罪義旗誅之此是剪除勝已以
絕民望兄桓氏黨附而名位如此欲求免得乎謚

懼奔于曲附高祖迎還復位

劉穆之字道和小字道民高祖初尅京城謂何無忌

曰急須得一府主簿如何何無忌曰無過劉道民也

劉秀之小字何秀瑀族叔秀之為丹陽尹瑀與親故

書曰吾家黑面何秀遂居劉安衆處朝廷不為多士

王鎮惡祖猛父休五月五日生家以俗忌欲以出繼

竦宗猛見曰此非常兒昔孟嘗君以五月五日生

而將興吾門矣遂用為嗣鎮惡後封博陵侯進號

征虜將軍

向靖小名稱與高祖同改稱小字今傳稱向彌是

也

蔡廓常器其小子與親故書小兒四歲神器似可不

入非類不與小人遊故以興宗為之名興為之字

褚渾之小字佛佛高祖以舊功愛之會稽郡偶缺

朝議欲蔡廓為之高祖曰彼自是蔡家佳兒于我

何事不如與褚佛佛

傅亮秉政將拜蔡廓為吏部尚書因傳隆問廓曰
若以選事悉付我我則為之不然即不拜亮語徐
羨之曰黃門郎以下當盡委於蔡羨不復措手矣
以上則其叅同異廓曰我不能與徐干木羨之署
紙尾遂不拜吏部黃紙案吏部尚書與錄尚書連
名故廓云署紙尾

劉敬宣為青州都督諸葛長民招以同叛敬宣遂
遣使呈高祖曰阿壽敬宣正謂不負我也

謝述與劉湛為異常之交湛羨甚有風度謂人曰我

見謝道兒未嘗足

道兒述
小字

謝靈運小字客兒初錢塘杜明師夜夢中向有人來
入館是夕即靈運生於會稽旬日而謝玄亡其家
以子難得遂送靈運于杜治養之十五方還郡故
名曰客兒明師名吳字不恭性敏悟宗事正一少
叅天師治錄陸納為尚書年三十患創
吳為奏章
延至七十

袁粲字景倩父灌早卒祖母哀其幼孤名之曰敏孫
有風操著妙德先生傳以續嵇康高士傳敏孫少
慕荀奉倩為人乃白太祖字景倩

始興王濬字休明將產之夕有鵬鳥鳴於屋上巫蠱
事發上謂潘淑曰妃太子圖貴富更是一理虎頭
濬小復如此非思慮所及汝母子豈可一日無我
也皆賜死

謝弘微父母思武昌太守從叔峻無子峻以弘微爲
嗣本名密犯所係內諱故以字稱與族子靈運瞻
曜並以文義賞會居烏衣巷同遊叔父混敬賞之
嘗曰阿遠瞻小剛而負氣阿客博而無檢曜奴才
而昧操篤善不同設後功濟三子終亦以此爲恨

微子吾無間然

王微字景玄瑯琊人也善屬文能書畫爲吏部郎弟
僧謙亦有才幹爲太子舍人遇疾微躬自處治而
謙服藥失度遂卒微深自咎恨發疾不治哀痛不
已以書告靈曰吾素好醫術不能使爾得全又尋
思不精至使枉遇痛酷奈吾罪何阿謙何圖至此
誰復視我誰復憂我他日寶吝三光割嗜好以祈
年今也唯速化耳後謙四十日卒

謝靈運解職東歸惠連幼有才悟而輕薄不爲父方

明所知靈運去永嘉還始寧時方明爲會稽郡靈
運見惠連大相知賞何長瑜教惠連讀書亦在郡
靈運又以爲絕倫謂方明曰阿連少悟如此而尊
以常兒遇之何長瑜當今仲宣飴以下客之食尊
既不能禮賢宜以長瑜還靈運遂載之而去

劉湛字弘仁小字班虎太祖自豫州長史徵爲太子
詹事時彭城王義康權傾中外湛與推崇之無復
人臣禮上稍不平湛初入朝夕引接不夕不出晚
節上意稍離而接遇不改上嘗謂所親曰劉班初

自西還吾嘗看日早晚慮其當去比入朝亦看日
早晚慮其不去遷丹陽尹竟伏誅殷景仁與湛俱
爲太守任遇初相款洽後漸猜隙義康專權而湛
昔爲上佐以舊情自結傾黜景仁義康盡屬湛諸
人附款無復至殷氏門湛黨劉敬文父成未晤其
機詣景仁求郡敬文遽往謝湛曰老父悖老遂就
殷鐵求郡有負生誠闔門慚懼其姦諂如此阿鐵
景仁小字

范曄字蔚宗父泰母如廁產之額爲博所傷故小字

博而徐湛之小字仙僮初魯國孔熙有異才爲散
騎常侍以父黜之受義康恩欲伸報德又以范曄
不得志因曄外甥謝綜結曄湛之爲丹陽尹悉約
太子送南平王鐸出鎮於武張崗祖道日作亂而
差牙不得發湛之乃上表發之且以自明及收入
獄曄隔壁遙問綜曰始被收時疑誰所告綜曰不
知曄曰徐仙僮也悉伏誅

曾爽小字女生祖宗之南陽郡公宗之子軌一名象
齒卽爽之父也爽少有武藝弟秀字天念才力過

爽建 中義宣謀反戰飲酒過度敗斬之

劉南陽沮陽人本字初胡以其顏面初黑似胡及長
乃單爲胡出牙郡將捷口善處分稍至隊主蠻甚
畏之小兒啼怖之曰劉胡來便止

陶潛字元亮一字淵明集載責子詩云白髮披兩鬢
肌膚不復實雖有五男兒初不好紙筆阿舒已十
二懶墮故無匹阿宣行志學而不好文術雍端年
十三不識九與七通子垂六齡但覓棗與栗天運
苟如此且進盃中物又載與儼等疏云告儼侯份

脩等云云又有命子詩云三千之罪後寂及成念
呱呱聞爾泣卜嘉曰占亦良時名爾曰儼字曰求
思按此儼即阿舒也

鮑照字明遠妹字令暉有才思亞於明遠著香茗賦
集行於世

齊高帝名道成字紹伯小字闔將世祖皇帝熙字宣
遠太祖長子生於建康青溪宅其夕陳孝后劉昭
后同夢龍據因小字曰龍兒初高祖在府夢着履
上太極殿三人從一人武帝一人明帝一人張天

地圖而不識意言是梁太祖子弟及踐阼常與梁
太祖密晏謂曰我辛苦得天下而祚不傳孫我死

龍子當得

龍兒也

龍子死當屬阿度

玄度也

此後當還

卿子

鬱林王昭業字文尚文惠太子長子小字法身文惠
薨立為皇太孫策容止好隸書世祖勅皇孫手書
不得妄出意貴重之嘗呼為法身坐之重幄別撫
問即位不君以罪廢

高宗明皇帝鸞字栖景始安王道生子小字玄度自

宣城王卽位

文惠太子長懋字雲喬世祖長子小字白澤

前湘州刺史王蘊太后兄弟有膽力以父楷名官不
達將欲自奮每撫劍曰龍泉太阿汝知我者叔父
景文曰阿答滅我門戶蘊答曰與童馬貴賤覺異
童馬景文子絢小字阿荅蘊小字後與劉康玄粲
謀反死

王琨祖蒼音衛將軍父懌不慧初不爲娶家以僚婢侍
之生琨遂名崑崙懌後娶南陽樂玄女無子改名

琨立以爲嗣性清慎官至侍中

長沙威王晃宣明太祖第四子有武力太祖愛之臨
崩以晃屬世祖晃愛武飾鞠罪徐州私載數百人
犯還都爲禁司所覺棄之江水世祖太怒豫章王
嶷御前稽首涕泣曰晃罪誠不足宥陛下當憶先
朝念白象上亦垂泣舍之白象晃小字

武陵昭王曄字宣照太祖第五子母羅氏以罪誅曄
見愛世祖卽位曄數以言語忤旨世祖嘗幸豫章
王嶷東田宴諸長王獨不召曄嶷曰風景殊美今

日甚憶武陵上乃令呼之擘善射屢發命中顧四座曰手如何上神色甚恠疑曰阿五常日不爾今日可謂仰藉天威帝意乃釋阿五擘小字

鄱陽王鏘字宣韶太祖第七子有寵於世祖鏘雍容得物情上為鬱林心疑高宗諸王問訊獨留鏘問

曰鸞於法身

鬱林小字

何如鏘曰臣鸞於宗戚長且受

寄先帝臣等年皆少朝廷之幹唯鸞一人願陛下無以為慮鬱林退謂徐龍駒曰我欲與公共計取諱公既不同我不能獨辦且復少聽鬱林為高宗

所廢鏘竟不如初高宗東府權勢稍異鏘每常屣履奉迎鏘語及家國言淚俱下鸞以此推信之鏘竟被害

東昏侯潘淑妃小字玉兒帝為潘起神仙永壽玉殿鑿為蓮花貼地上令潘妃行曰步步生蓮花常市琥珀釵一隻直百七十萬

劉瓛字子珪沛郡相人晉丹陽尹恢六世孫少篤學博通五經聚徒教授常有數千性至孝祖母病疽經年手持膏藥漬指皆爛孔氏甚嚴明謂所親曰

阿稱

字獻小

便是今世曾也謚真蘭先生

王思遠晏之從弟父羅云平西長史有節操竟陵王

子良薦為吏部尚書郎初高宗廢立之際晏預其

謀思遠謂晏曰兄蒙世祖厚恩今一旦替人如此

事彼或以計相須兄將來何以自立若及此引決

猶可後悔無及晏不納及高宗即位拜驃騎爵為

王遙光勸除之晏集會子弟謂思微曰隆昌之末

阿戎勸吾自裁若從其語豈有今日思遠遽應曰

如阿戎所見猶未晚耳晏竟誅思遠遷侍中

阿戎遠小字

盧陵王子卿小字烏熊太祖第三子出為南豫州刺

史帝謂司徒竟陵王子良曰烏熊痴如熊不得天

下第一人行事無以馱一州既而曰吾思得其人

矣乃使陸惠曉為長史行事臨別帝問惠曉曰卿

何以輔盧陵王惠曉對曰靜以脩身儉以養性靜

則身不擾儉則民不煩雖庸者猶當知勉况盧陵

以帝子之尊耶帝大悅

袁彖字備才陳郡夏陽人父顓武陵太守少有風氣

好屬文談玄舉秀才歷諸王府參軍不就顓臨終

與兄覲書曰史公才識可喜足懋先基象有孝節
累遷侍中史公象小字象形體充腴有異於衆每
從車騎射雉郊野數人推扶乃能履

張冲字思約吳人冲出繼伯父景徹景徹字檀父邵
小字梨宋文帝戲景徹曰檀何如梨徹荅曰梨是
百果之宗檀何敢及

張敬兒南陽冠軍人也父醜爲郡將母常在田捃拾
困極乃卧於瀆間夢有物如犬子頭有角牴之因
感而有娠故小字狗兒宋明帝以其名鄙改焉年

少便馬有膽氣好射虎發無不中累以軍功爲南
陽守斬桂陽王休範遷雍州刺史驍騎將軍封襄
陽侯狗兒後更名恭而不肯出官嘗居南保村中
與居民不異敬兒竟爲世祖所誅

巴東王子嚮爲荊州刺史直閣將軍董蠻奴粗有氣
力子嚮要與同行蠻奴曰殿下廟如雷敢相隨乎
子嚮笑曰君敢出此言亦復竒願上聞而不悅曰
人名蠻奴復何容得蘊藉乃改名仲舒

梁武帝衍字叔達小字練兒

簡文帝諱綱字世讚高祖第三子小字木通

元帝諱繹字世誠高祖第七子小字七符

敬帝方智字惠相世祖第九子小字法真

昭明太子統字德施高祖長子母曰丁貴嬪小字維

摩蕭藻字靖藝少立名行志操清潔善屬文好古

體詩高祖每曰子弟並如迦荼吾復何憂累遷尚

書左僕射迦荼統小字

豫章王綜初綜母吳淑媛本齊東昏宮人復為高祖

所幸生綜媛常私謂綜曰我齊宮懷汝入梁七月

而生實永元遺體綜深信之密有異志及為南徐

州刺史有練樹並令斫伐之以高祖名練故也竟

以彭城降于宋虜

馬仙琕字靈馥小名仙婢長乃改名仙琕善為將與

士卒同勞苦居無帷幕衾屏與廝養寂下者同

任昉字彥升樂安人文章之美冠絕一時官至太常

昉有四子東里西華南容北叟並無學術墜其家

崇劉孝標見昉諸子流離不能自振平生舊交莫

有收卹者西華冬月著葛被練裙路逢峻峻惕然

矜之乃廣朱公叔絕交論劉漑見其論抵几於地
終身爲恨

柳中禮小字申子故庾信哀江南賦云申子奮發勇

氣咆噉實惣元戎身先士卒胄落魚門兵填馬窟

累祀通中頓遭刮骨功業有稱身名埋沒

一戰遭重創至於城陷不時復戰

謝覽弟舉與王筠王泰俱有令名時人爲之語曰王
有養矩謝有覽舉養矩筠泰小字也

劉孝綽字孝綽幼聰敏能屬文舅王融深賞異之每

言曰天下文章若無我當歸阿士阿士綽小字也

父繪友人任昉沈約范云等皆造之官至秘書監

綽少有盛名仗氣負才多所凌忽詞藻爲當時所

宗每作一篇朝成暮遍傳寫絕域綽弟姪群從七

十人皆善文近古未之有也有三妹嫁王叔英張

乘徐排皆有才學排妻尤爲清拔也昭明太子好

文士常遊晏玄圃執王筠袖撫孝綽肩曰可謂左

挹浮丘袂右拍洪崖肩其見重如此

牟偁字祖忻少瑰偉身長七尺八寸愛文雅博涉書

記關弓至十石嘗於交州堯廟墻直上至五尋橫
行七迹性豪侈善音律自造採蓮歌甚有新致姬
妾列侍窮極侈靡有彈箏人名大善看鹿角瓜長
七寸舞人張靜琬腰圍一尺六寸時人咸推能掌
上舞又有孫貴玉能反腰帖地銜得蓆上玉簪大
同中魏使楊裴同晏賓客二百餘人皆食金寶器
奏三部女樂至夕侍女百餘人皆執金花燭俛不
飲酒而好賓遊終日獻酬同其醒醉

陳高祖霸先字興國小字法生吳興長城人漢大丘
長寔之後也

廢帝伯宗字奉業小字藥王世祖長子也仁弱無人
君體太后廢為臨海王

宣帝頊字紹世小字師利始興王第二子身長八尺
二寸手垂過膝嘗張燈夜寢見者乃是大龍無不
驚走避於他室世祖踐阼封安成王及廢帝乃即
帝位梁大同二年梁元徵高祖入侍累遷中書侍
郎末定二年襲封始興王十四年崩遺制以瓦器
葬寧顯陵廟號高祖

後主叔寶字元秀小字黃奴宣帝長子立而嗜酒賦
詩不恤國事工文爲長夜之飲常在庭任用中書
舍人沈客卿等又起臨春結綺望仙三閣華麗侈
靡自古未有隋晉王入臺城百萬之衆不戰而亡
司馬暉字文叔河內溫人也幼有志性十二丁內艱
水漿不入口殆將一旬梁帝見暉羸瘦謂其父子
產曰昨見羅兒傷其憔悴使人惻然便是不墮家
風有子矣羅兒暉小字

徐陵字孝穆摛之子幼聰敏善屬文爲兒時沙門寶

誌見之驚曰天上麒麟何因至此因小字僧悅陵
母臧氏嘗夢五色云化爲鳳集左肩上已而誕陵
陵目有青睛時人以爲聰慧之相自有陳創業文
檄及禪授詔策皆陵所作爲一代文宗子份九歲
作夢賦陵見之語所親曰吾幼時屬文亦不如此
任忠字奉誠小字蠻奴汝陰人少孤微不爲鄉里所
重及長詭譎多計後累以戰功進鎮南將軍及隋
兵入忠出戰敗入見後主啓云陛下唯當具舟楫
上流群臣以死衛後主信之時隋將韓擒虎自雜

林入忠乃降隨軍入南掖門至長安授開府卒

周文育字景德義興人本姓頓名猛奴居新安壽昌里年十一能游反復數里跳高五六尺與群兒聚戲莫能及者周會爲壽昌蒲口戍主見而奇之乞爲已子請周舍爲製名字命兄子弘讓教之書計文育曰誰能學此取富貴有大槩耳讓壯之乃教騎射從高祖破侯景累功爲鎮南將軍

陳子高會稽人世祖時爲吳興守高年十六爲物角容貌美麗狀似婦人世祖見而問之能事我乎高許諾本名纒字世祖改命今名執備身乃世祖寵之

後魏元父字伯携小字長义父妻林太后之妹太后臨朝以父妹夫除通直郎常侍妻封馮翊君拜女侍郎父以此意勢日盛遷侍中加領軍既在門下兼惣禁軍深爲太后所信太傅清河王澤親賢輔政後太后寵稍薄因解侍中除民初咸陽王禧以逆見誅子樹奔梁梁封爲鄴王又义擅權樹乃遣魏公卿書曰元义本名夜义元羅本名羅刹夜义

羅刹此鬼食人非遇里風事同飄墮嗚呼魏景羅
此二灾昆季此名必能噬物未幾有人告义謀叛
得其手書並賜死

游雅字伯度小字黃頭廣平任人也太武時與渤海
高允俱知名徵拜中書博士雅性剛贇好自矜誕
凌躐人物高允重雅雅輕允才不以為恨允將昏
邢氏雅勸允昏甘族允不從雅曰人貴河間邢不
勝廣平游人自棄猶度我自敬黃頭貴已賤人皆
此類也

小名錄卷下 終

